

*Summ. D. no. 6. L. 1.*

**P R I V I L E G I A T P E R**

COMPLURES SVMMOS PON-  
tifices ordini fratrum Prædicatorū  
concessa, & communicata. non  
quidem omnia: sed ea tantū,  
quæ ex archetypis, aut  
eorum authenticis trā-  
sumptis haberi po-  
tuerunt: iussu, im-  
pensis, & ope-  
ra Reue-  
rendiss.

Pris F. Stephani Vfusmaris Genuen.  
eiusdem ordinis Magistri Gene-  
ralis, transumpta, & impressa. &  
per R. P. D. Auditorem  
Apostolicæ Camerae  
authenticata.

*Andonius de Villacosa Magister*



PLENITUDO DIVINI

IN IPSO HABITAT, OMNIS



*De plenitudine eius*

*Nos omnes accepimus*

TATIS CORPORA LITER.

Qui ligno pendet, fato defunctus iniquo.  
Humani est generis gloria, vita, salus.  
Abluit antiquam labem, patefecit Olympum;  
Discordes populos iunxit amore pari.  
Ut fons perspicuus se se diffudit ad omnes,  
Nostraq; diuinis corda repleuit aquis.

2

FRATER STEPHANVS VSVSMA  
ris Genuen. Sac. Theologiæ professor, ac totius ordinis Fratrum  
Prædicatorum Generalis Magister & seruus humilis. vni-  
uersis ac singulis eiusdem ordinis cōprofessoribus salutē.



P V S quod multis ante annis meditati sumus, & ad Magisterium assumpti, magno studio, multisq; laboribus parturimus ecce iam Deo fauente peperimus, usq; cum auctoritate prode- at & uobis proffit, non paruo sumptu ornauimus, Nempe Librum istum quem in manibus habetis. In quem omnia quibus ordo noster ab apostolica Sede dotatus & ditatus est, priuilegia congeſſimus. Illa videlicet quorum archetypa vel ab eis autētica exempla comperimus. Curauiusq; vt quorū vel pauci, vix partem habebatis, omnes omnia, eaque autentica possitis habere. Ex eis igitur primum vobis videre licebit, quāti nostrum ordinem, nostrosq; patres, & eorum operam ac studium fecerit apostolica sedes, quiq; illam pro rēpore tenuit Summus Pontifex, atq; vel sic torpentes, & desides animos nostros, ad eorum imitationem & eiusdem Sanctæ sedis deuotionem excitabimus, ne nosira ingratitude vel socordia, tanquam degene- res filij priuemur, aut indigni reddamur donis, quæ patres nostri, sibi ac nobis virtutibus & religione conquisuere. Deinde tam ex titulo q̄ nostris verbis monemini, priuilegia hæc esse, non tela, quibus ordinariorum, sacrorumq; Præfulum, & Sanctæ Romanæ Ecclesie communionem tenentium Prælatorum auctoritatem ac potestatem, adoriamur, incessamus, labefactemusq;. Non est hoc nostri illius ordinis, quem ad animarum salutem, pro reuerentia, & auxilio, Prælatorum, in eorum suppetias Beatus pater noster Dominicus instituit, Summus Pontifex confirmauit, ac ob id priuilegijs ornauit, gratijs, immunitatibus et exemptionibus roborauit. Non quidem vt illas pro libidine libertatis in usum aut abusum reuocemus, sed magis, vt eorum modesto vsu, ab impugnantibus, & spiritum libertatis opprimere molientibus tuti & liberi, maiori quiete, sacris literis & studijs honestioribus intendentes, hæreticos reuincere, rudiores docere, catholicos adhortationibus & concionibus consolari & confirmare, et demum Ecclesiam Dei verbis & exemplis edificare possimus. Hac igitur mente, & Sancto proposito, hunc librum accipite, et nostris laboribus Sanctarum apud Deum precum gratiam referote, & bene valete. Romæ XX. Nouembris.

M. D. L V.

A ij

Quam præclara merita sunt Prædicatorum,



Quorum verbo & opere mundus decoratur.

His libet indultis uestram decorare cateruam  
Queis uolumus reliquis cætibus esse parem.  
Vester amor, Petri quo defensatis honorem,  
Hæc uobis meritò, præmia iusta petit,  
Pergite, & infracti nunquam desistite cæptis  
Clauiger æthereus his meliora dabit.

per literas apostolicas non facientes plenam & expressam, ac de uerbo ad uerbum de indulto huiusmodi mentionem. cæterisque contrariis quibuscumque. Verum quia difficile foret, præsentibus literas ad singula quæque loca in quibus forte opus esset deferre, uolumus & pariter apostolica auctoritate decernimus, quod illarum transumptis, manu Notarii publici subscriptis, & sigillo alicuius personæ in ecclesiastica dignitate constitutæ, seu curiæ ecclesiasticæ munitis, eadem prorsus ubique fides in iudicio & extra illud adhibeatur, quæ præsentibus adhiberetur, si forent exhibitæ, uel ostensæ. Dat. Romæ apud sanctum Petrum sub annulo piscatoris Die nona Martij, M. D. LVI. Pont. nostri Anno primo. Han. Oricellarius.

Quibus omnibus & singulis præmissis, tanquam rite recteque ac legitime factis, auctoritatem & decretum dictæ curiæ, atque nostrum duximus interponendum, & interposuimus & interponimus præsentium per tenorem. In quorum omnium & singulorum præmissorum fidem, & testimonium ueritatis, præsentibus exinde fieri, & per eundem Notarium nostrum infra scriptum subscribi, & publicari mandauimus, sigillique nostri quo in similibus utimur, iussimus & fecimus, appensione muniri. Dat. Romæ in ædibus nostris in quibus iura redduntur, et partium causæ audiuntur, sub Anno a natiuitate Domini M. D. LVI. Indictione. xiiii. die uero xiiii. Mensis Aprilis Pontificatus Sanctissimi in Christo Patris & Domini nostri D. Pauli diuina prouidentia Papæ. 1111. Anno primo. præsentibus ibidem discretis uiris. Dominis Adam de Inuidia, et Ludouico Reydeti clericis, Baionen. & Gebenen. respectiue dioc. Notariis nostris, testibus ad præmissa uocatis & rogatis. Et quia in præsentibus transumpto nonnulla reperiuntur loca in marginibus emendata, ne eius integræ fidei nocent, aut detrahere existimentur, hic singula referuntur quæ quia mihi infra scripto Notario constant, iccirco eadem propriæ manus subscriptione cum reliquis approbantur.

T


- Tabellionatus officium habentes fratres dum essent in seculo possunt illud exercere etiam in sacris constituti in causa tantum fidei seu inquisitionis 53. a,
- Tertij ordinis regula extensa & confirmata 96. o,
- Tertij ordinis exemptiones & priuilegia. 161. f,
- Tertij ordinis sorores, non comprehenduntur nomine beguinarum damnatarum. 82. f,
- Tertij ordinis vtriusque sexus interdicti tempore, possunt interesse diuinis 61. c, 157. a, nisi causam dederint interdicto. 178. d,
- Tertij ordinis fratres & sorores in Italia quocumque tempore praeter pascha resurrectionis possunt confiteri fratribus & ab eis recipere communionem 89. d, immo etiam in pascha 169. c,
- Et possunt vouere tria vota 173. b, 174. a,
- Et sic vouentes gaudent omnibus priuilegijs ordinis, nec propterea ad clausuram aut officium tenentur. 174. a, 178. f, 181. a,
- Tertij ordinis personae singulariter degentes in domibus, ad onera quae laicis incumbunt cogi possunt. 178. e, Immo huiusmodi singulariter degentes & tamen vouentes virginalē vel celibem vitam, gaudent omnibus priuilegijs. 181. d,
- Testes inquisitionis possunt non publicari. 53. b,
- Trascentes ad alios ordines, si ab illis ante professionem defecerint, possumus, tanquam apostatas capere 153. d,
- Violentiam inferentes ecclesiis, locis, & domibus nostris excommunicati sunt, 55. c, 231. c,
- Visitationis & correctionis officium alienis ecclesiis, & monasterijs impendere, cogi non possumus inuiti 20. c,
- Vniuersitas Parisiensi. admittere debet scholares & Magistros ex ordine praedicatorum & minorum. 41. b, & praesertim fratres Thomam de Aquino & Bonauenturam,
- Vota in tranium ordinem commutare in austeritates ordinis possunt, Magister ordinis & Priores. 53. c,
- Vota permutare & relaxare. 219. d, 252. d,

F. I. N. I. S.

Rome Apud Antonium Bladum Impressorem  
Cameralem.

# VIRORVM DIGNITATE, SANCTITATE, AC DOCTRINA Illustrium Ordinis Prædicatorum.

BREVIS CATHALOGVS.



Cum germinasset facta est uinea, et frutificauit in palmites, et emisit pro  
pagines. In terra bona super aquas multas plantata est, ut faciat frondes,  
et portet fructum, & sit in uincam grandem. Ezechielis. xv. 11.



ACER ordo Fratrum Prædicato-  
um, cui præmissa & alia complura Priui-  
legia, per summos Pontifices largita fue-  
re, ortum & originem habuit, à Beatiss.  
patre Dominico, qui eiusdem ordinis insti-  
tutor, et parens, ac primus Magister fuit.

Is (ut breuibus et carptim uitam ipsius per-  
stringã) Jex Hispaniæ partibus, oppido calaroga, diocesis Oxomen.

Illustri Guzmanorum familia, Patre Felice, Ioanna matre anno.

1170. natus, pueritiam sub Auunculi Archipresbyteri magiste-  
rio, diuinis officijs dedicauit. Adulescentiam, iuuentutisq; partem Pa-

lentiæ, diuinarum humanarumq; rerum studijs, honestis moribus, ac

misericordiæ operibus ad usq; necessariorum librorum & proprie

supellectilis pro sustentatione pauperum uenditionem, instituit, Reli-

quam uero inter canonicos (quos regulares uocant) sub Augustini

regula, adeo prudenter egit ac sanctè, q; eorum collegio in ecclesia

Oxomen. ab Episcopo Didaco Archipresbyter, siue (quod dicunt) sup-

prior præfectus fuit. Virilem porrò ingressum ætatem Didacus idè,

Regum Castellæ ac legionis legationem obiturus in Gallias, itineris

comitem asciuit. Quo cum in Aquitaniam & Auxitanam oram

regressus, gentem fere totam Albigensum ueneno infectam, ac per-

ne perditam reperit. Cuius miseratus calamitatem, cum Episcopo suo

duodecim Abbatibus Cisterciensis ordinis, quos cum suo legato, In-

nocentius Papa tertius illo miserat, se adiungens, duobus annis opem

& operam hæreticis conuertendis impendit. Sed quasi hæc prouin-

cia sibi ac suis fratribus deberetur, Legato, Episcopo, ac Abbatibus

post duos annos ad sua reuersis. Beatus Pater fidei zelo succensus,

cum paucis sibi adherentibus focys (quos fratres nominari placuit)

decem annis perstitit indefessus in opere, irrisionibus, contumelijs, ac

minis hæreticorum, eisq; fauentium, nec ad horam cedens, quin etiam